



**CIRCULAR FONDO SOLIDARIO DE LIBROS DE TEXTO E AXUDAS PARA MATERIAL ESCOLAR
 (3º, 4º, 5º e 6º curso de Educación Primaria no curso 2020-21)**

A Consellería ven de publicar a Orde do 12 de maio do 2020 (DOG 19 de maio) pola que se regula o Fondo solidario de libros de texto destinado ao alumnado matriculado en 3º,4º,5º e 6º E. Primaria.

Esta orde ten por obxecto regular o Fondo Solidario de Libros de Texto e Material escolar para o curso 2020/21 no ámbito dos centros docentes da Comunidade Autónoma de Galicia sostidos con fondos públicos. Establécese a participación no fondo solidario de libros de texto do alumnado matriculado en 3º, 4º, 5º e 6º de educación primaria **no vindeiro curso escolar**. Para 4º e 6º manteranse os libros de texto do curso 2019/20 e **en 3º e 5º de EP permitirase a adquisición e substitución de libros de texto polo Centro**, segundo a Orde 29 de maio do 2013.

Fondo Solidario

Todos os centros docentes sostidos con fondos públicos deberán dispoñer dun fondo solidario de libros de texto, que estará integrado por todos os libros de texto e/ou material reutilizable adquirido dende o centro dos cursos anteriores que o alumnado beneficiario está obrigado a devolver de acordo co establecido na Orde pola que se convocaron as ditas axudas, e que no caso de E. Primaria deberá ser devoltos preferentemente antes do **19 de xuño**. **A falta de devolución dos libros é causa de exclusión de axudas e ademais a Consellería iniciará un expediente de reintegro da axuda concedida**. Tamén se poderán entregar voluntariamente os libros que se desexen ceder ao Centro.

Presentación de solicitudes forma lugar e prazo.

As axudas serán solicitadas polo/a proxenitor/a ou representante legal do alumnado matriculado ou que se vaia matricular no curso 2019/20 nos niveis educativos incluídos nesta orde. No caso do alumnado suxeito a tutela ou garda da Xunta de Galicia, deberá presentar a solicitude a persoa titular da dirección do centro de menores ou a persoa con que conviva en acollemento familiar.

As solicitudes presentaranse preferiblemente por vía electrónica nos formularios normalizados dispoñibles na aplicación informática "fondolibros" (<https://www.edu.xunta.es/fondolibros>) a través da sede electrónica da Xunta de Galicia, <https://www.sede.xunta.gal>. Poderanse empregar os mecanismos de identificación e sinatura admitidos pola sede electrónica da Xunta de Galicia, incluíndo o sistema de usuario e Chave 365 (<https://sede.xunta.gal/chave365>)

Opcionalmente, poderanse presentar as solicitudes presencialmente nos centros docentes ou en calquera dos lugares e rexistros establecidos na normativa reguladora, información que está dispoñible na páxina web do centro.

A solicitude é ÚNICA; polo tanto, deberá presentarse unha solicitude independentemente do número de alumnos polos que se solicite. **No caso de que a solicitude se tramite por vía electrónica empregando a aplicación Fondo Libros será necesaria a presentación dunha solicitude por cada alumno/a**. A presentación da solicitude implicará que se compromete a conservar os libros de texto e material recibidos en bo estado, e a devolvelos ao fondo solidario de libros de texto ao finalizar o curso 2020/21. Cando o alumnado no momento de presentar a solicitude, aínda non estea admitido en ningún centro docente para o curso 2020/21, deberá presentala no centro no que estivese matriculado no curso 2019/20.

Asignación dos libros

O centro asignará o uso dos libros de texto dispoñibles por orde inversa á renda per cápita da unidade familiar ata que se esgoten as existencias. Non obstante, o alumnado que estea en tutela ou garda da Xunta de Galicia e o que teña discapacidade igual ou superior ao 65 % terá preferencia para a adxudicación dos libros de texto, con independencia da renda.

Esgotados os libros dispoñibles no Fondo, o centro adquirirá os libros de texto necesarios para garantir:

Alumnado con renda per cápita familiar igual ou inferior a 6.000 €	6 libros
Alumnado con renda per cápita familiar entre 6.000 € e 10.000 €	4 libros
Alumnado tutela Xunta ou discapacidade superior ao 65%	6 libros

En caso de cambio de centro, calquera que sexa o motivo do traslado, o alumnado deberá devolver o lote de libros recibido; logo de presentación do documento de devolución, o centro de destino entregarlle os libros se os hai no seu fondo solidario.

Unha vez cuberta a solicitude deberá presentarse, xunto coa documentación, debidamente asinada polo pai, a nai ou titor/a do alumnado. Todo isto sen prexuízo da sinatura dos membros da unidade familiar computables para renda que sexan maiores de idade, excepto nos supostos de separación ou divorcio, nos cales poderá omitirse a



sinatura do proxenitor que non teña a custodia. Xunto coa solicitude presentárase orixinal e copia da seguinte documentación co fin de que a persoa que a reciba poida verificar a autenticidade da copia e devolva os orixinais.

Alumnado de educación primaria e de educación secundaria obrigatoria.

a) Libro de familia no que figuren todos os membros da unidade familiar.

No caso de non ter libro de familia, ou se a situación familiar, a día 31 de decembro de 2018, non coincide coa reflectida no libro, terá que presentarse documento ou documentos acreditativos:

- Sentenza xudicial de separación ou divorcio e/ou o convenio regulador onde conste a custodia do causante.
- Certificado ou volante de convivencia.
- Informe dos servizos sociais ou órgano equivalente, que acredite situación familiar.
- Certificado de defunción.

b) No caso de discapacidade dalgún dos membros da unidade familiar incluídos na solicitude deberá acompañarse un dos seguintes documentos que acrediten esta circunstancia a 31-12-2019:

- Certificado emitido polo órgano competente do grao de minusvalía cunha porcentaxe igual ou superior ao 33%,
- Resolución ou certificado emitido pola Seguridade Social de pensión de incapacidade permanente nos graos de total, absoluta ou gran invalidez
- Documentación acreditativa da condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade.

c) No caso de situación de violencia de xénero no contorno familiar: documentación acreditativa.

Prazo de presentación.

O prazo de presentación de instancias será ata o 19 de xuño do 2020.

Presentárase preferentemente por sede electrónica (identificación e sinatura electrónica, Chave 365).

De optar pola presentación da solicitude de xeito presencial, deberá ser entregada no centro, para o que se fixarán unhas quendas que coincidirá coa entrega e recollida do material do alumnado, quendas que serán notificadas telefonicamente con anterioridade.

A data límite para publicar a resolución provisional do fondo solidario de libros de texto será o **10 de xullo**, que consistirá nunha relación de alumno e libros asignados.

A data límite para publicar a resolución definitiva será o **20 de xullo**, facéndose a entrega dos libros en setembro.

- **AXUDA PARA MATERIAL ESCOLAR:** Unha única axuda de 50 € por alumno. (Exclusivamente para as familias con renda pér capita familiar inferior ou igual a 6.000 €. **As familias con renda superior a 6.000 € quedan excluídas do vale de material escolar**). O alumnado en situación de garda ou tutela da Xunta, de EE ou cunha discapacidade igual ou superior ao 65% será beneficiario desta axuda con independencia da renda.

É obriga dos beneficiarios das axudas:

Conservar en bo estado os libros adquiridos e incorporalos ao rematar o curso a un fondo solidario (banco de libros).

Empregar o vale de material escolar exclusivamente para a adquisición dese material.

HORARIO DO EQUIPO DIRECTIVO

DE LUNS A VENRES DE 9.30H A 14.00H.

